

الوجبة الآخر

عمر السيد

تصميم دهب محمد



الحافلة (قصة قصيرة)

الخازندار للنشر الالكتروني

العنوان :جوار مدرسة اللواء رفعت عاشور الثانوية- ميت سلسيل- الدقهلية
هاتف : ٠١٠٠٠٠٩٩٣٩٠

العنوان: الوجه الآخر

الكاتب: عمر السيد

اخراج فني: الخازندار للنشر الالكتروني



جميع حقوق النشر الالكتروني محفوظة للكاتب/ة تحت اشراف موقع الخازندار
للنشر الالكتروني، و غير مسموح بنقله أو مشاركته أو نشره الكترونيا دون اذن
مكتوب من الكاتب



الوجه الآخر

قصة قصيرة

عمر السيد

اجلس وحيدا داخل غرفتي الصغيره اعكف علي قراءة بعض الكتب
صوت من خارج الغرفه دكتور احسان اليه المدير عايزك في مكتبه .
خير يا عم جابر
معرفش هو قالي اجيبك و اجي معاه ناس شكلهم مهمين .
نهضت متوجها الي غرفه المدير طرقت الباب جاني صوت من
الداخل اتفضل .
السلام عليكم .
و عليكم السلام اتفضل اقعد يا دكتور اعرفك البهوات من البحث
الجنائي عايزينك .
نظرت اليهم مبتسما كأني اعلم سبب الزيارة ابتسمت قائلا تحت أمركم.
عرفني اكبرهم سنهم بنفسه العقيد جمال و ده الرائد مصطفى كنا
عايزين رأيك في موضع .
ابتسمت قائلا قضيه المنصورة صح.
ابتسم العقيد جمال بالظبط و قولنا مفيش حد احسن منك يقدر يفيدنا لا
يفتي و مالك في المدينه .
اخرج ملف من حقيبة اليد و اعطاني اياه
طالعت الملف بعنايه لمدة دقائق صور لبعض الجثث المختفيه الملامح .
بدأت علامات الضجر تظهر علي وجه الرائد مصطفى نظر الي قائلا
احنا معندناش وقت دي قضيه رأي عام .
نظرت اليه مبتسما انا لازم اخذ وقتي عشان اعرف اساعدكم. القاتل من
الواضح انه بيعرف يستخدم ادوات جراحيه بطريقه احترافيه بس شكله
كبير في السن من الواضح من طريقه الجروح ان ايديه فيها اهتزاز .
نظر لي العقيد جمال عرفت ازاي .

في بعض الجروح في الجثث مش ماشيه بطريقه مستقيمه وواضح انه
بيحاول يعذب الضحايا قبل ما يقتلهم و كمان معظم الضحايا زي ما
تبعت من الاخبار كلهم ليهم ماضي اجرامي زي ما يكون بيعاقبهم
ابتسم الرائد مصطفى قائلا كأنك تعرفه .

أومأت براسي يمكن و اصدرت ضحكه عاليه اغضبته
عادت ملامحه للحدة موجهها كلامه للعقيد جمال و بعدين يا فندم الظاهر
اننا بنضيع وقت فعلا .

نظرت اليه بحده ابحت في المستشفى العام بالمنصورة علي احد
دكاترة الاستقبال لانهم اكثر ناس بتتعامل مع البلطجيه و المجرمين و
اكيد عندهم ملفات شوف مين بيكون نباطشي و طابق اسامي الضحايا
بالمفات .

نهضت من مقعدي موجهها كلامي للمدير ممكن امشي انا كده قولت كل
اللي عندي .

اتفضل شكرا يا دكتور احسان ديما مقدرين لتعبك .

انصرفت عائدا لغرفتي

استقبلني عم جابر مره اخري و قام بفتح الباب لي

شكرا يا عم جابر هتوحشني لما امشي ابتسم قائلا و انت كمان يا دكتور

اغلق الباب خلفي و ظهرت لوحه علي الباب مكتوبه بخط عريض)

عنبر الاعدام